

唐  
音  
統  
籤

戊籤餘一

一至五  
同卷

唐音統籤卷

七百五  
十五

李琪字台秀燉煌人昭宗朝舉進士累殿中侍御史入梁爲翰林學士太祖書詔多出其筆末帝時拜相終唐明宗朝太子少傅集十卷宋志今存詩二篇

奉試詔用拓拔思恭爲京北收復都統

太平廣記

曰琪父佐王鐸幕琪十三鐸以漢祖三傑賦題試之大加稱獎他日總角謁鐸鐸曰適蜀中詔到用夏州拓跋思恭爲京北收復都統可作一詩否卽秉筆立製鐸益奇之執琪手曰此真鳳毛也

飛騎經巴棧鴻恩及夏臺將從天上去人自日邊

來此處金門遠何時玉輦迴早平關右賊莫待詔  
書催

題廣愛寺楞伽山

開元中楊惠之所塑經巢  
寇不燬詳僧詩淨顯下

善高天外遠方丈海中遙自有山神護應無劫火  
燒壞文侵古壁飛劍出寒霄何似蒼蒼色嚴粧十  
七朝

句

哀痛不下詔登封誰上書

佛宗幸  
蜀錄

戊籤餘二

羅紹威字端已唐末魏博節度使封鄴王入梁累

拜太師兼中書令紹威喜文學開館聚書延儒生  
每讌會遊覽輒與賦咏酷嗜江東羅隱詩厚遺之  
與通譜推爲叔父目已所爲詩曰偷江東集五卷  
宋志政餘  
詩集一卷今存詩二篇

柳

粧點青春更有誰青春常許占先知亞夫管畔風  
輕處元亮門前日暖時花密宛如飄六出葉繁何  
惜借雙眉交情別緒論多少好向仁人贈一枝

白菊

雖被風霜競欲催皎然顏色不低摧已疑素手能

粧出又似金錢未染來香散自宜飄淥酒葉交仍  
得蔭蒼苔尋思閉戶中宵見應認寒窗雪一堆詩二  
紀事作羅弘信即紹威父也弘信出身軍校史第  
云其善騎射而已未開筆詩也有謂紹威作者似  
從可

句

樓前淡淡雲頭日簾外蕭蕭雨脚風

戊籤餘三

馮道字可道景城人事唐相明宗歷晉漢周四姓  
十君並在政府少時刻苦矯行及爲大臣尤務持  
重鎮物人喜爲之稱譽壽終追封嬴王詩集十卷

唐志無  
宋志有  
今存詩五篇  
長樂老傳自敘略曰余先自

清泰帝又事晉高祖皇帝少帝契丹據汴京爲戎

二主所制自鎮州與文武臣寮馬步將士歸漢朝

事高祖皇帝今上久叨祿位備歷艱危階自將仕

郎轉朝議郎朝散大夫朝議大夫銀青光祿大夫

光祿大夫特進開府儀同三司職自幽州節度巡

官河東節度巡宮掌書記再爲翰林學士改授端

明殿學士集賢殿大學士太微宮使再爲弘文館

大學士又充諸道鹽鐵轉運使南郊大禮使明宗

皇帝晉高祖皇帝山陵使再授定國軍節度司州

管内觀察處置等使一爲長春宮使又授武勝軍

節度鄧隨均房等州管内觀察處置等使官自攝

幽府參軍試大理評事檢校尚書祠部郎中兼侍

御史檢校吏部郎中兼御史中丞檢校太尉同中

書門下平章事檢校太師兼侍中又授檢校太師

兼中書令正官自行臺中書舍人再爲戶部侍郎

轉兵部侍郎中書侍郎再爲門下侍郎刑戶吏尚

書右僕射左僕射三爲司空兩在中書一守本官

又授司徒兼侍中賜私門十六戟又授太尉兼侍

中又授武太傅又授漢太師爵自開國男至開國公魯國公再封秦國公梁國公燕國公食邑自三百戶至一萬一千戶食實封自一百戶至一千八百戶勳自柱國至上柱國功臣名自經邦致理功臣至守正崇德保邦致理功臣安時處順守義崇靜功臣崇仁保德寧邦翊聖功臣靜思本末非人之謀是為之佐時開一卷時飲一杯食味別聲被色老而自樂何樂如之

詩

見青箱雜記

窮達皆由命何勞發嘆聲但知行好事莫要問前程冬去冰須泮春來草自生請君觀此理天道甚分明

詩

見青箱雜記

莫為危時便愴神前程往往有期因須知海嶽歸

明主未必乾坤陷  
吉人道德幾時曾  
去世舟車何處不  
通津  
但教方寸無諸惡  
狠虎叢中也立身

北使還京作

詩凡五章今僅存其一  
云晉天福三年與契丹和欲遣

輔相初使趙瑩系維翰咸以虜情難測懼  
於將命道與諸公中書食訖索帟一幅書  
云道士即遣人語妻子不復歸家舍都亭  
驛不數日即行北地寒甚人所不堪及還

京師作詩  
述意云云

去年今日奉皇華  
只爲朝廷不爲家  
殿上一杯天子泣  
門前雙節國人嗟  
龍荒冬徃時時雪  
兔苑春歸處處花  
上下一行如骨肉  
幾人身死掩風沙

贈竇十



燕山竇十郎教子有義方靈椿一株老丹桂五枝芳

放魚書所鑰戶

詩史云道性仁厚家有池每得魚放池中其子監丞每

竊釣之道聞之不悅於是高其牆垣鑰其門戶作詩書其門曰

高卻垣墻鑰却門監丞從此罷垂綸池中魚鱉應

相賀從此方知有主人

句

朝披四襖專藏手夜覆三衾怕露頭

叢苑云虜中大寒賜道錦

襖貂襖羊狐貂衾各一每入謁悉服四襖衣宿館中併覆三衾故云

牛頭偏得賜

象笏更容持

叢苑又云虜以道有重名欲留之命與其國相同列所賜皆等虜賜臣下

以才笏及臘月賜千頭皆殊  
禮也道皆得之以謝云

已落地花方遣掃

未經霜草莫教鋤

吟治圃事文類聚

視草北來唐學士

擁旄西去漢將軍

續翰林志同光中承旨盧質節制河中贈

戊籤餘四

和凝字成績鄆州人梁朝舉進士唐天成中累翰

林學士知貢舉晉高祖時拜相入漢拜太子太傅

封魯國公終于周初凝為文章好以多為富集百

卷

宋志演綸集三十卷游藝集五十卷紅藥編五

香奩簾金六集香奩簾金不行世有云韓偓香奩

即凝集者非也說見偓集傳略中

本傳云凝集

世識者多非之行于

今存詩七篇

解紅歌

唐有兒童解紅之舞

百戲罷五音清解紅一曲新教成兩個瑤池小仙子此時奪却栢枝名

題鷹獵兔畫

范文正公數日與仁人之言也

雖是丹青物沉吟亦可傷君誇鷹眼疾我憫兔心忙豈動騷人興惟增獵客狂鮫綃百餘尺爭及製衣裳

醴泉院

方輿勝覽云在洋州興道縣

萬山嵐靄簇洋城數處禪齋盡有名古栢八株堆翠色靈泉一派

一作千澗

退老聲暫遊頗愛閒滋味久

住翻嫌俗性情珍重支公每相勉我于儒行也修  
行

興勢觀

寰宇記云興勢山在洋州興道縣北四十三里郡城所枕形如一盆外險

而內有大谷爲盤道數里方及四門故因以爲名觀在其上

山名興勢鎮梁洋儼有真風福此方瘦栢握盤籠  
殿紫靈泉澄潔浸花香暫遊頗愛閒人少久住翻  
嫌白日忙只向五千文字內願成金骨住仙鄉

柳枝二首

軟碧搖烟似送人映花時把翠眉嚬青青自是風  
流主慢颺金絲待洛神

鵲橋初就咽銀河今夜仙郎自姓和不是昔年攀  
桂樹豈能月裏索姮娥

洋川

見方輿勝覽

華夷圖上見洋川知在青山綠水邊官閒最好遊  
僧舍江近應須買釣船

句

先生自舞琴

三樂達節

波上人如潘玉兒掌中花似

趙飛燕

採蓮曲上並見樂書

瑟瑟羅裙金縷腰黛睂眼破未重描醉來咬損新

花子拽住仙郎盡放嬌

盡儘同

戊籤餘五

王仁裕字德輦天水人少以狗馬彈射爲樂年二十五始就學以文辭知名初秦帥辟爲判官秦入蜀爲中書舍人翰林學士唐平蜀復爲秦州判官久之以都官郎中充翰林學士晉朝歷諫議大夫漢朝復爲翰林承旨遷戶部尚書罷爲太子少保周顯德初卒仁裕曉音律喜爲詩後史補云仁裕著詩一萬首朝中謂之詩審子嘗夢剖其腸胃以西江水滌之顧見江中沙石皆爲篆籀文由是文思益進乃集其平生所作詩萬餘首爲西江集今輯其存者爲一卷五代史集

百卷宋志乘輅集五卷紫閣集五卷紫泥集十二  
卷後集四十卷詩集十卷通志略止載集十六卷  
通考不載知其  
集宋末已亡矣

從蜀後主幸秦川上梓潼山

綵仗拂寒烟鳴騶在半天黃雲生馬足白日下松  
巔盛德安疲俗仁風扇極邊前望  
北此去尚

三千

和蜀後主題劍門

孟陽曾有語刊在白雲稜李杜常挨托孫劉亦恃  
憑庸才安可守上德始堪矜暗指長天路濃密蔽  
幾層

荆南席上咏胡琴妓二首

天下大定錄云荆南高氏先建渚宮

于府西北隅延袤十餘里亭榭花木甚盛從游紹立尤加完葺廣招伶倫樂籍間多有梁園舊物從游明音律僻好胡琴有女妓數十皆善其事仁裕使荆渚從游開宴出十妓彈胡琴爲詩美之

紅粧齊抱紫檀槽一抹朱絃四十條  
湘水凌波慚鼓瑟秦樓明月罷吹簫  
寒敲白玉聲偏婉喚逼黃鸞語白嬌  
丹禁舊臣來側耳骨清神爽似聞韶  
玉纖挑落折冰聲散入秋空韻轉清  
二五指中勾塞鴈十三絃上轉春鶯  
譜從陶室偷將妙曲向秦樓寫得成  
無限細腰宮裡女就中偏愜楚王情



題麥積山天堂

玉堂閒話云麥積山者北跨清渭南漸雨當洞巒起

石高萬尋其青雲之半梯空架險有散花樓出西閣懸梯而上有萬菩薩堂並就石鑿成自此室之上有一龕謂之天堂空中倚一獨梯至此萬中無一人敢登者仁裕獨登之仍題詩于天堂西壁前唐末辛未年也

躡盡懸空萬仞梯等閒身共白雲齊簷前下視群

山小堂上平分落日低絕頂路危人少到古巖松

健鶴頻棲天邊為要留名姓拂石殷勤身自題

題斗山觀

玉堂閒話云興元斗山觀自平川驛起一山四面懸絕其上方於斗

底故號之有唐公助飲李八百仙酒全家拔宅之跡仁裕辛巳歲為節度判官嘗以片板題詩于觀癸未年入蜀因謁嚴真觀見斗山詩牌在焉不知所來舊說云斗山

一洞與嚴真  
觀井相通也

霞衣欲舉醉陶陶

公坊家飲八百洗  
磨酒醉而上升

不覺全家住

絳霄拔宅只知雞犬在上天誰信路岐遙三清遶

廓拋塵夢入景雲烟事早朝爲有故林蒼栢健露

華涼葉鎖金飈

題孤雲絕頂淮陰祠

玉堂閒話云興元之南  
有大竹路道巴州深谿

峭巖捫蘿

一上三日達山頂復登嶺其絕

頂謂之孤雲兩角彼中諺云孤雲兩角去

天一握淮陰侯祠在焉昔漢祖不用韓信

遜歸西楚蕭相國追之及于茲山故立廟

貌仁裕嘗佐襄梁帥王思同南

伐巴人往返登陟留題于祠

一握寒天古木深路人猶說漢淮陰孤雲不掩興

亡策兩角曾懸去住心不是冕旒輕布素豈勞丞相遠追尋當時若放還西楚尺寸中華未可侵

和韓昭從駕過白衛嶺

龍旆飄飄指極邊到時猶更二三千登高曉蹋巉巖石冒冷朝衝斷續烟自學漢皇開土宇不同周穆好神仙秦民莫遣無恩及大散關東別有天

賀王溥入相

石林詩話云仁裕知貢舉取王溥爲狀元時年二十六後六年

溥拜相時仁裕猶致仕無恙賀以詩曰

一戰文場拔趙旗便調金鼎佐無爲白麻驟降恩何極黃髮初聞喜可知跋勅按前人到少築沙堤

上馬歸遲立班始得遙相見親洽爭如未貴時

與諸門生春日會飲繁臺賦

柳陰如霧絮成堆又引門生飲古臺淑景卽隨風  
雨去芳樽宜命管絃關謾誇列鼎鳴鐘貴寧免朝  
烏夜兔催爛醉也須詩一首不能空放馬頭回

示諸門生

談錄云仁裕知貢舉時已年高有  
數子皆早亡諸孫並幼一日生徒

畢集出  
詩幾日

二百一十四門生春風初長羽毛成擲金換得天

邊桂鑿壁偷將榜上名何幸不才逢聖世偶將疎

網罩羣英衰翁漸老兒孫小異日知誰略有情

五代

唐音統籤

卷七百五十五

十

戊

史補陶穀讀三四聯曰大奇大奇不意王仁裕今日做賊頭也

過平戎谷弔胡

翹翹有文學佐荆湖藩幕著草軍書幾視副軍構之主

帥盡室坑平戎谷仁裕過而弔之

立馬荒郊滿目愁伊人何罪死林丘風號古本悲

長在雨濕寒莎淚暗流莫道文章為衆嫉只應輕

薄是身簪不緣魂寄孤山下此地堪名鸚鵡洲

奉詔賦劍州途中驚獸

蜀後主幸秦川至劍州西驚獸于路左叢

林間躍出搏一人去至行宮顧問臣僚皆陳思懼命仁裕及李浩弼等賦之後主覽

之大咲曰二臣之詩各有奇

劍牙釘舌血毛腥窺算勞心豈暫停不與大朝除

患難惟於當路食生靈從將戶口資曉口未委三

丁稅幾丁今日帝王親出狩白雲巖下好藏形

放猿

仁裕從事漢中有戲後見者憐其黠慧育之名曰野賓經年壯大跳躑類爲患

繫紅綃于頸  
題詩送之

放爾丁寧復故林舊來行處好追尋

一作舊時侶  
伴好相尋

月明巫峽堪憐靜路隔巴山莫厭深

一作耐寒不  
憚霜中宿隱

跡從教  
霧裏深

棲宿

一作  
歸去

免勞青嶂夢躋攀應慙白雲心

三秋果熟松梢健任抱高枝徹曉吟

遇所放猿再作

仁裕罷職入蜀行次漢江壩  
蟠冢廟前見一巨猿拾群而

前於道畔古木間垂身下顧紅綃宛在以  
野賓呼之聲聲應立馬移時不覺惻然遂

續之  
篇云

蟠冢祠前漢水濱  
飲猿連臂下嶙峋  
漸來子細窺  
行客認得依稀是  
野賓  
月宿縱勞羈縷夢  
松餐非  
復稻梁身  
數聲腸斷和雲叫  
識是前時舊主人

句

鐵鎖寨門扃白日  
大張旗幟插青天

大敬關

卷終

戊籤餘六

唐音統籤卷

七百五十六

杜荀鶴字彥之池州人有詩名自號九華山人大  
順中登進士第歸客田頴宣州頴遣至汴通好梁  
祖厚遇之表爲翰林學士主客員外郎侮易縉紳  
人咸恨之未幾卒自編唐風集二卷

通考云

今集

五卷

顧雲序略云生及第之明年寧親江表以僕

激越之句能使貪吏廉邪臣正父慈子孝凡友弟  
悌人倫之紀備矣其壯語大言則決起逸發可以  
左攬工部袂右拍翰林肩吞賈喻八九於胃中曾  
不帶介或情動於中則極思冥搜神遊希夷形兀  
枯木五聲勞於呼吸萬象貧於抉剔信詩之雄傑  
者也方回云荀鶴律詩多是頡聯作一串景聯  
體物非夢瑣言荀鶴獻梁祖詩三十章皆易曉  
之語梁祖厚遇之泊受彈拜學士僅五日而卒



唐音統籤

卷七百五十六

戊

荀鶴以正月初十日生登第于大順二年時已四十六歲放榜亦正月初十日也故王希羽贈詩有金勝曉懸生世日玉書潛記上昇時之句或云荀鶴實杜紫薇之子紫薇會昌末自齊安移守秋浦時妾有姪出嫁長林鄉正杜筠而生荀鶴未知果否

五言律詩一

春宮怨

早被嬋娟誤欲粧  
臨鏡慵承恩不在貌  
教妾若爲容  
風暖鳥聲碎日高花影重  
年年越溪女相憶採芙蓉

自述

四海欲行遍不知終遇誰  
用心常合道出語或傷

時擬作閒人老慙爲識者咄如今已無計祇得苦  
於詩

苦吟

世間何事好最好莫過詩一句我自得四方人已  
知生應無輟日死是不吟時始擬歸山去林泉道  
在茲

望遠

門前通大道望遠上高臺落日人行盡

一作窮邊

信不來還聞戰得勝未見勅招回却入機中坐新  
愁織不開

春日閑居卽事

未得青雲志春同秋日情  
花開如葉落鶯語似蟬鳴  
道合和貧守詩堪與命爭  
饑寒是吾事斷定不歸耕

秋晨有感

木葉落時節旅人初夢驚  
鐘才枕上盡事已眼前生  
吟髮不長黑世交無久情  
且將公道約未忍便歸耕

江岸秋思

驅馬傍江行鄉愁步步生  
舉鞭揮柳色隨手失蟬鳴

聲秋稼綠長道寒雲約古城家貧遇豐歲無地可  
歸耕

亂後歸山

一作  
山居

亂世歸山谷征輦喜不聞詩書猶滿架弟姪未爲  
軍山犬眠紅葉樵童唱白雲此心非此志終擬致  
明君

亂後山中作

自從天下亂日晚別庭闈兄弟團圞樂羈孤遠近  
歸文章并世薄耕種喜山一作田肥直待中興後方  
應出隱飛

出山

病眼看

一作見

春榜文場公道開  
朋人登第盡白髮

出山來處世曾無過

一作遇

唯天合是媒  
長安不覺

遠期逐一名廻

途中春

馬上覽春色  
丈夫慙淚垂  
一生看老却  
五字未逢知  
酒力不能久  
愁根無可醫  
明年到今日  
公道與誰期

旅感

白髮根叢出  
鐺頻愁不開  
自憐空老去  
誰信苦吟

來客路東西濶家山早晚回  
翻思釣魚處一雨一  
層苔

旅寓書事

日日驚身事悵悵欲斷魂  
時清不目立髮白傍誰  
門中路殘秋雨空山  
一夜猿公卿得見面  
懷抱細難言

長安冬日

近臘饒風雪閒房凍坐時  
書生教到此天意轉難  
知吟苦猿三叫形枯柏  
一枝還應公道在未忍與  
山期

泗上客思

痛飲復高歌愁終不奈何  
家山隨日遠身事逐年  
多  
沒鴈雲橫楚兼蟬柳夾河  
此心閒未得到處被  
時磨

秋夜晚泊

一望一蒼然蕭騷起暮天  
遠山橫

一作行

落日歸鳥

度平川家是去秋別月當今夕  
圓漁翁似相伴微  
曉葦叢邊

舟行晚泊江上寺

久勞風水上禪客喜相依  
挂衲雖無分修心未覺

非日沉山虎出鐘動寺禽歸月上潮平後談空一作

漸入微風水一作風雨

### 晚泊金陵水亭

江亭當廢國秋景倍蕭騷夕照殘荒壘寒潮漲古

濠就田看鶴劣

一作大

隔水見僧高無限前朝事醒

吟易覺勞

### 秋宿山館

山館坐待曉夜長吟役神斜風吹敗葉寒燭照愁  
人蘊蓄天然性澆訛世惡真男兒出門志不獨爲  
謀身



將遊湘湖有作

一家相別意不得不潸然遠作南方客初登上水  
船嶽鐘思冷夢湘月少殘篇便有歸來計風波亦  
隔年

塞上

草白河水合蕃戎出掠頻戍樓三號火

一作三探  
急號

馬一條塵戰士風霜老

一作  
苦

將軍雨露新封侯不

由此何以慰征人

懷廬嶽書齋

長憶在廬嶽免低塵土顏煑茶窗底水採藥屋頭

山是境皆遊遍誰人不羨閒無何一名繫引出白雲間

秋日懷九華舊居

吾道在五字吾身寧陸沉涼生中夜雨病起故山心  
燭共寒酸影蛩添苦楚吟何當遂歸去一徑入松林

遊茅山

一作許渾詩誤

步步入山門仙家鳥徑分漁樵不到處麋鹿自成羣  
石面迸出水松頭穿破雲道人星月下相次禮茅君

登山寺

山半一山寺野人秋日登就中偏愛石獨上最高  
層有果猿攀一作掘樹無齋餽看僧儒門自多事來  
此復何能

登天台寺

一天台寺高低景旋生共僧巖上坐見客海邊  
行野色人耕破山根浪打鳴忙時向閒處不覺有  
閒情

霽後登唐興寺水閣

雨三秋色蕭條古寺閒無端登水閣有處似家

山白日生新事何時得  
暫閒將知老僧意未必戀  
松關

題嶽麓寺

一簇楚江山江山勝此難  
覓人來畫取到處得吟  
看鶴隱松聲盡魚沉檻  
影寒自知心未了閒話亦  
多端

題江山寺

江上山頭寺景留吟客船  
遍遊銷一日重到是何  
年沙鳥多翹足巖僧半  
露肩爲詩多語澁喜此得  
終篇

題戰島僧居 在江心

師愛無塵地江心島上居  
接船求化慣登陸赴齋  
疎載土春栽樹拋生日  
餒魚入雲蕭帝寺畢竟欲  
何如

題會上人院

鼓角城中寺師居日得閒  
心能行大道何用在深  
山破衲新添線空門夜不關心  
知與眼見終取到  
無間

題歷山舜廟

山有廟呼爲帝二子  
多變妖異爲時所敬

舜舜曾耕地遺風日寂寥  
世人那肯祭大聖不興

妖殿宇秋霖壞杉松野火燒時訛競淫祀絲竹醉  
山魑

與友人對酒吟

憑君滿酌酒聽我醉中吟客路如天遠侯門似海  
深新墳侵古道白髮戀黃金共有人間事須懷濟  
物心

山中喜與故交宿話

遠地能相訪何慚事力微山中深夜坐海內故交  
稀村酒沽來濁溪魚釣得肥貧家只如此未可便  
言歸

訪道者不遇

寂寂白雲門尋真不遇真  
祇應松上鶴便是洞中人  
藥圃花香異沙泉鹿跡新  
題詩留姓字他日此相親

春日訪獨孤處士

地僻春來靜深宜長者居  
好花都待

一作大

晚修竹

不妨踈鴈入湘江  
食人侵曉色鋤似君無學處  
頭白道如初

維揚逢詩友張喬

天下方多事逢君得話詩  
直應吾道在未覺國風

衰生計吟銷日人情醉過時雅篇三百首留作後來師

江上逢韋象先輩

不易爲離抱江天卽見鴻暮帆何處落涼月與誰同木葉新霜後漁燈夜浪中時難慎行止吾道利於窮

江南逢李先輩

李杜復李杜彼時逢此時干戈侵帝里流落向天涯歲月銷於酒平生斷在詩懷才不得志祗恐滿頭絲



亂後再逢汪處士

如君真道者亂高

一作高

世有閒情每別不知處見來

長後生藥非因病服酒不爲愁傾笑我於身苦吟  
髭白數莖

浙中逢詩友

到處有同人多爲賦與文詩中難得友湖畔喜逢  
君凍抱城根雪風開嶽面雲苦吟吟不足爭忍話  
離羣

將歸山逢友人

儒爲君子儒儒道不妨孤白髮多生矣青山可住

乎佯狂寧是事巧達又非夫祇此平生願他人肯  
信無

秋宿棲賢寺懷友人

一宿三秋寺閒忙與曉分細泉山半落孤客夜深  
聞鶴去巢盛月龍潛穴擁雲苦吟方見景多恨不  
同君

懷紫閣隱者

紫閣白雲端雲中有地仙未歸蓬島上猶隱國門  
前洞口人無跡花陰鹿自眠焚香賦詩罷星月冷  
遙天

和高秘書早春對雪登樓見寄之什

天有惜花意恐花開染塵先教微雪下始放滿城

春且醉登樓客重期出郭人因酬郢中律一作霜

鬢數莖新

冬末投長沙裴侍郎

欲露塵中事其如不易言家山一離別草樹匝春

喧吹夢風天角啼愁雪嶽猿佇思心覺滿何以遠

門軒

下第關投鄭拾遺

丹霄桂有枝未折未爲遲况是孤寒士兼行苦澁

詩杏園人醉日關路獨歸時更卜深知意將來擬薦誰

投李大夫

白小癖於詩篇篇恨不奇苦吟無暇日華髮有多時  
進取門難見升沉命未知秋風夜來急還恐到京遲

近試投所知

白髮隨梳落吟懷說向誰敢辭成事晚自是出山遲  
擬動如浮海凡言似課詩終一作修身事知已此外復何爲

下第投所知

若以名場內誰無一軸詩縱饒生白髮豈敢怨明  
時知己雖然切春官未必私寧教讀書眼不有看  
花期

郊居卽事投李給事

無祿奉晨昏閒居幾度春江湖苦吟士天地最閒  
人書劍同三友蓬蒿外四隣相知不相薦何以自  
謀身

秋日旅舍卧病呈所知

秋色上庭枝愁懷切向誰青雲無勢日華髮有狂

時枕上聞風雨江南繫別離如何吟到此此到不  
聞知

湘中秋日呈所知

四海無寸土一生唯苦吟虛垂異鄉淚不滴別人  
心雨一作水色凋湘樹灘聲下塞禽求歸歸未得不

是擲光陰

贈秋浦金府長

倚郭難爲宰非君卽有私唯憑野老口不立政聲  
碑苦甚求名日貧於未選時溪山竟如此利得且  
吟詩

贈宣城麋明府

天下爲官者無君一軸詩數聯同我得當代遇誰  
知年齒吟將老生涯說可悲何當拋手板隣隱過  
危時

贈歐陽明府

賢宰宰斯邑政聞閭里間都緣民訟少長覺吏徒  
閒帆落樽前浦鐘鳴枕上山回舟却惆悵數宿釣  
魚灣

贈李蒙叟

在我成何事逢君更勸吟縱饒不得力猶勝別勞

心凡事有興廢詩名無古今百年能幾日忍不惜  
光陰

贈廬嶽隱者

自見來如此未嘗離洞門結茅遶雨雪採藥給晨  
昏古樹藤纏殺春泉鹿過渾悠悠無一事不似屬  
乾坤

秋宿詩僧雲英房因贈

賈島憐無可都緣數句詩君雖是後輩我謂過當  
時溪浪和星動松陰帶鶴移同一作吟到明坐此  
道淡誰知



贈臨上人

不計禪兼律終須入悟門  
解空非有自所得是無  
言眼豁浮生夢心澄大道源  
今來習師者多鎖教  
中猿

贈老僧

衆僧尊夏臘靈嶽遍曾登  
度水手中杖行山溪畔  
藤心空默是印肩白雪爲稜  
自得廵方道棲禪老  
未能

贈聶尊師

詩道皆仙分求之不可求  
非關從小學應是數生

修巘桂雲梯折鼇山鶴駕遊他年兩成事堪喜是  
鄰州

山中貽同志

君貧我亦貧爲善喜爲鄰到老如今日無心媿古  
人閉門非傲世守道是謀身別有同山者真如未  
可親

貽里中同志

鄉里爲儒者唯君見我心詩書常共讀雨雪亦相  
尋貧賤志氣在子孫交結深古人猶晚達况未鬢  
霜侵

題田家翁

田翁真快活婚嫁不離村  
州縣供輸罷追隨鼓笛  
喧盤餐同老少家計共  
田園自說身無事應官有  
子孫

溪居叟

溪翁居靜處溪鳥入門飛  
早起釣魚去夜深寒月  
歸見君無事老覺我有  
求非不說風簾苦三冬一  
草衣

題著禪師

大道可無幻常情自有魔  
人皆迷著此師獨悟如

何爲嶽開窗  
滿目長草多  
說空空說得  
空得到  
空麼

讀友人詩

君詩通大雅  
吟覺古風生  
外却浮華景  
中含至教情  
名應高日月  
道可潤公卿  
莫似孤寒耻  
孤寒達吏榮

讀友人詩卷

冰齒味搖軸  
祇應神鬼知  
坐當羣靜後  
吟到月沉時  
雪峽猿聲健  
風檉鶴立危  
篇篇一字字  
誰復更言詩

戊籤餘六杜荀鶴之二

唐音統籤卷

七百五十七

五言律詩二

長林山中聞賊退寄孟明府

一縣今如此殘民數不多也知賢宰切爭奈亂兵  
何皆自干戈達成思雨露和應憐住山者頭白未  
登科

寄益陽武灌明府

縣稱詩人理無嫌日寂寥溪山入城郭戶口半漁  
樵月滿彈琴夜花香漉酒朝相思不相見雲水路  
迢迢

維揚冬末寄幙中二從事

聞道長溪尉相留一館間

尚隔幾重

山爲旅春風外懷人夜雨間年來踈覽鏡怕見減

朱顏

寄顧雲

省得前年別蘋洲旅館中亂離身不定彼此信難  
通侯國兵雖斂吾鄉業已空秋來憶君夢夜夜逐  
征鴻

寄李溥

如我如君者不妨身晚成但從時輩笑自得古人

情共莫更初志俱期立後名男兒且如此何用歎平生

秋日山中寄李處士

吾輩道何窮寒山細雨中兒童書懶讀果栗樹將空  
言論關時務篇章見國風昇平猶可用應不廢爲公

一作翁

寄竇處士

漳水醉中別今來猶未醒半生因酒廢大國幾時寧  
海畔將軍柳天邊處士星遊人不可見春入亂

山青

寄同人

盡與貧爲慮，唯余卽不然。  
四方無靜處，百口度荒年。  
白髮生閒事，新詩出數聯。  
時情竟如此，不免却歸田。

秋日寄吟友

閒坐細思量，唯吟不可忘。  
食無三畝地，衣絕一株桑。  
蟬樹生寒色，漁潭落曉光。  
青雲舊知己，未許釣滄浪。

寄詩友

別來春又春，相憶喜相親。  
與我爲同志，如君能幾



人何時吟得力漸老自關身唯有前溪水年年濯  
客塵

山中寄友人

深山多隙地無力及耕桑不是營生拙都緣覓句  
忙破窗風嵐作翳燭穿屋月侵床吾友應相笑辛

勤道未光

寄從叔

三族不當路長年猶布衣苦吟天與性直道世將  
非鴈夜愁癡坐漁鄉老憶歸爲儒皆可立自是拙  
時機

寄舍弟

世亂信難通鄉心日萬重弟兄皆向善天地合相  
容大野陰雲重連城殺氣濃家山白雲裏卧得最  
高峯

入關歷陽道中却寄舍弟

求名日苦辛日望日榮親落葉山中路秋霖馬上  
人晨昏知汝道詩酒衛吾身自笑拋麋鹿長安擬  
醉春

出常山界使回有寄

自小只南北未知今日離封疆初盡處人使却回

時開口有所忌此心無以爲行行復垂淚不稱是男兒

送黃補闕南遷

得罪非天意分明謫去身一心貪諫主開口不防人自古有遷客何朝無直臣喧然公論在難滯楚南雲

送友人牧江州

本國兵戈後難官在此時遠分天子命深要使君知但遂生靈願當應雨露隨江山勝他郡閒賦庾樓詩

送青陽李明府

善政無慚色吟歸似等閒唯將六幅絹寫得九華

山求理頭空白終官

一作離京

債未還仍聞琴

一作與猿

鶴都在一船間

送人宰吳縣

海漲兵荒後爲官合動情字人無異術至論不如  
清草履隨船賣綾梭隔岸鳴唯持古人意千里贈  
君行

送人宰德清

亂世人多事耕桑或失時不聞寬賦歛因此轉流

離天意未如是君心無自欺能依四十字可立德  
清碑

送賓貢登第後歸海東

歸捷中華第登船鬢未絲直應天上桂別有海東  
枝國界波窮處鄉心日出時西風送君去莫慮到  
家遲

送吳蛻下第入蜀

下第言之蜀那愁舉別杯難兄方在幕上相復憐  
才鳥徑盤春靄龍湫發夜雷臨邛無久戀高桂待  
君回

送姚庭珪

脫衣將換酒對酌話何之  
雨露秋蕭索天涯晚別  
離人生無此恨鬢色不成絲  
未得重相見看君馬上詩

送陳昉歸麻川

麻川清見底似入武陵溪  
兩岸山相向三春鳥亂啼  
酒旗和柳動僧屋與雲齊  
卽此吾鄉路懷君夢不迷

亂後送友人歸湘中

補

家枕三湘岸門前卽釣磯  
漁竿壯歲別鶴髮亂時

師岳暖無猿叫江春有鷺飛平生書劍在莫便學  
忘機

送友遊吳越

去越從吳過吳疆與越連有園多種橘無水不生  
蓮夜市橋邊火春風寺外船此中偏重客君去必  
經年

送人遊吳

君到姑蘇見人家盡枕河古宮閒地少水港小橋  
多夜市賣菱藕春船載綺羅遙知未眠月鄉思在  
漁歌

送人遊江南

滿酌勸君酒勸君君莫辭能禁幾度別卽到白頭  
時晚岫無雲蔽春帆有燕隨男兒兩行淚不欲等  
閒垂

送人南遊

凡遊南國者未有不蹉跎到海路難

一作雖

盡挂帆

人更多潮沙分象跡花洞響蠻歌縱有投文處於  
君能幾何

送友人遊南海

南海南邊路君遊祇爲貧山川多少地郡邑幾何



人花鳥名皆別寒暄氣不均相期早晚見莫待瘴  
侵身

送九華道士遊茅山

忽起他山興飄然出舊山於身無切事在世有餘  
閒日月浮生外乾坤大醉間故園華表上誰得見  
君還

送紫陽僧歸廬岳舊寺

補

紫衣明主贈歸寺感先師受業恩難報開堂影不  
知松風欹枕夜山雪上樓時此際無人會微吟復  
歛眉

送僧

道了亦未了言間今且間從來無住處此去向何  
山片石樹陰下斜陽潭影間請師留偈別恐不到  
人寰

送舍弟

我愛羈棲慣客情方細知好看前路事不比在家  
時勉汝言須記聞人善卽師旅中無廢業時作一  
篇詩

辭座主侍郎

一飯尚懷感况攀高桂枝此恩無報處故國遠歸

時祇恐兵戈隔再趨門館遲茅堂拜親後特地淚  
雙垂

辭九江李郎中入關

帝里無相識何門跡可親願開言重口薦與分深  
人卷許新詩出家憐舊業貧今從九江去應免更  
迷津

別衡州牧

朝別使君門暮投江上村從來無舊分臨去望何  
恩行計自不定此心誰與論秋猿叫寒月祇欲斷  
人魂

交道有寒暑在人無古今與君中夜話盡我一生  
心所向未得志豈惟空解吟何當重相見舊隱白  
雲深

錢塘別羅隱

故國看看遠前程計在誰五更聽角後一葉渡江  
時吾道天寧喪人情日可疑西陵向西望雙淚爲  
君垂

雪中別詩友

酒寒無小戶請滿酌行杯若待雪消去自然春到

來出城人跡少向暮鳥聲哀未遇應關命侯門處  
處開

下第東歸別人

不得同居住當春別帝鄉年華落第老岐路出關  
長芳草緣流水殘花向夕陽懷親暫歸去非是釣  
滄浪

閩中別所知

觸目生歸思那堪路七千臘中離此地馬上見明  
年郡邑溪山好寒暄日月偏自疑雙鬢雪不似到  
南天

與友人話別

家路行多少  
千人無易顏  
未成終老計  
難致此身閒  
月兔走入海  
日鳥飛出山  
留年住不得  
半在別離間

別從叔

立馬不忍上  
醉醒天氣寒  
都緣在門易  
直似別家

難世路既如此  
客心須自寬  
江村亦饑凍

一作歸期亦難

東爭及問一作向長安

別舍弟

欲住住不得  
出門天氣秋  
唯知偷拭淚  
不忍更回

頭此日祇愁老况身方遠遊孤寒將五字何以動諸侯

江上與從弟話別

相逢盡說歸早晚遂歸期流水多通處孤舟少住時千人不得已非我欲爲之及此終無媿其知道在茲

哭劉德仁

賈島還如此生前不見春豈能詩苦者便是命羈人家事因吟失時情碍國親多應銜恨骨千古不爲塵

哭友人

病向名場得終爲善誤身無兒承後嗣有女托何人  
葬禮難求備交情好者貧唯餘舊文集一覽一  
沾巾

塞上傷戰士

戰士說辛勤書生不忍聞三邊遠天子一命信將  
軍野火燒人骨陰風捲陣雲其如禁城裏何以重  
要勲

經青山弔李翰林

何謂先生死先生道自新青山明月夜千古一詩



人天地空銷骨聲名不傍身誰移未陽冢來此作  
吟鄰

經九華費徵君墓

凡弔先生者多傷荆棘間不知三尺墓高却九華  
山天地有何外子孫無亦閒當時若徵起未必得  
身還

經賈島墓

謫宦自麻衣銜冤至死時山根三尺墓人口數聯  
詩仙桂終無分皇天自有私暗松風雨夜空使老  
猿悲

經廢宅

人生當貴盛修德可延之不慮有今日爭教無  
時蘚斑題字壁花發帶巢枝何況蒿原上荒墳與  
折碑

題興唐寺小松

雖小天然別難將衆木同侵僧半窗月向客滿  
一作  
一襟風枝拂行苔鶴聲分叫砌蟲如今未堪看須  
是雪霜中

新栽竹

斷破莓

一作蒼

苔地

一作色

因栽十數莖窗風從此冷

詩思當時清酒入盃中影  
棋添局上聲不同桃與  
李蕭洒伴書生

觀棋

對面不相見用心同用兵  
算人常欲殺顧已自貪  
生得勢侵吞遠乘危打劫  
贏有時逢敵手當局到  
深更

五言排律

和劉評事送海禪和尚歸山

內外元無象言尋那路尋  
問禪將底說傳印得何  
心未了羣山淺能休一室  
深伏魔寧是獸巢頂亦

非禽觀色風驅霧聽聲雪洒林凡歸是歸處不必

指高岑

一作况當幽隱處未必在高岑

### 御溝柳

律到御溝春溝邊柳色新細籠穿禁水輕拂入朝  
人日近韶光早天低聖澤勻谷鶯棲未穩宮女畫  
難真楚國空搖浪隋堤暗惹塵何如帝城裏先得  
覆龍津

戊籤餘六杜荀鶴之三

唐音統籤卷

七百五十八

七言律詩一

自叙

酒甕琴書伴病身熟諳時事樂爲貧寧爲宇宙閒  
吟客怕作乾坤竊祿人詩旨未能忘救物世情奈  
值不容真平生肺腑無言處白髮吾唐一逸人

叙吟

多慚到處有詩名轉覺吟詩僻性成渡水却嫌船  
著岸過山翻恨馬貪程如簪雪月年年景似夢笙  
歌處處聲未合白頭今已白自知非爲別愁生

閒居卽事

形覺清羸道覺肥竹門前逕靜相宜一壺村酒無  
求處數朶庭花見落時章句偶爲前輩許話言多  
被俗人疑一枝僊桂如攀得祇此山前是老期

閒居書事

竹門茅屋帶村居數畝生涯自有餘鬢白祇應秋  
鍊句眼昏多爲夜抄書鴈驚風浦漁燈動猿叫霜  
林橡實疎待得功成卽西去時清不問命何如

書齋卽事

時清祇合力爲儒不可家貧與善疎賣却屋邊三

畝地添成窗下一床書沿溪摘果霜時後出竹吟  
詩月上初鄉里老農多見笑不知稽古勝耕鋤

### 山居自遣

茅屋周回松竹陰山翁時挈酒相尋無人開口不  
言利只一作獨我白頭空愛吟月在釣潭秋睡重雲  
橫樵逕野情深此中一日過一日有底閒愁得到

心

### 遣懷

驅馳岐路共營營祇爲人間利與名紅杏園中終  
擬醉白雲山下懶歸耕題橋每念相知志佩印當

期季子榮謾道強親堪倚賴到頭須是有前程

感秋

年年名路謾辛勤襟袖多空馬上塵  
畫戟門前難作客釣魚船上易安身  
冷煙粘柳蟬聲老寒渚澄星鴈叫新  
自是儂家無住處不關天地窄於人

重陽日有作

一爲重陽上古臺亂時誰見菊花開  
偷攀白髮真堪笑牢鎖黃金寶可哀  
是箇少年皆老去爭知荒塚不榮來  
大家拍手高聲唱日未西沉且莫回

亂後山居



亂後移家擬傍山今來方辦買山錢九州有路休  
爲客百歲無愁卽是仙野叟並田鋤暮雨溪禽同  
石立寒煙他人似我還應少如此安貧亦荷天

題所居村舍

家隨兵盡屋空存稅額寧容減一分衣食旋營猶  
可過賦輸長急不堪聞蠶無夏織桑充寨田廢春  
耕犢勞軍如此數州誰會得殺民將盡更邀勲

白髮吟

一莖兩莖初似絲不妨驚度少年時幾人亂世得  
及此今我滿頭何足悲九轉靈丹那勝酒五音清

樂未如詩家山蒼翠萬餘尺藜杖偕冠輪老兒

早發

東窗未明塵夢蘇呼童結束登征途落葉鋪霜馬

蹄滑寒猿嘯月人心孤時逆

一作送

帽簷風刮頂旋

呵鞭手凍粘鬚青雲快活一未見爭得安閒釣五湖

舟行卽事

年少髭鬚雪欲侵別家三日幾般心朝隨賈客憂  
風色夜逐漁翁宿葦林秋水鷺飛紅蓼晚暮山猿  
叫白雲深重陽酒熟茱萸紫却向江頭倚棹吟

途中有作

無論南北與西東  
名利牽人處處同  
枕上事仍多  
馬上山中心更甚  
關中川原晚結陰  
沉氣草樹秋  
生索漠風百歲此中如且健  
大家閒作卧雲翁

途中春

年光身事旋成空  
畢竟何門遇至公  
人世鶴歸雙鬢上  
客程蛇遶亂山中  
牧童向日眠春草  
漁父隈巖避晚風  
一醉未醒花又落  
故鄉回首楚關東

旅寓

暗算鄉程隔數州  
欲歸無計淚空流  
已違骨肉來

時約更東琴書何處遊  
畫角引風吹斷夢垂楊和  
雨結成愁去年今日還如此  
似與青春有舊讐

館舍秋夕

寒雨瀟瀟燈焰青  
燈前孤客難爲情  
兵戈開日別鄉國  
鴻鴈過時思弟兄  
冷極睡無離枕夢  
苦多吟有徹  
雲聲出門便作還家計  
直至如今計未成

秋日旅中

浮世浮名能幾何  
致身流落向天涯  
少年心壯輕爲客  
一日病來思在家  
經雨凍蟬隨葉墮  
過湖秋鴈趁風斜  
前程雖有投人處  
爭奈鄉關日漸賒

一作

山頂老猿啼古木渡頭新鴈下平沙不堪  
吟罷西風起黃葉滿庭寒日斜似不如此

### 旅中卧病

秋來誰料病相縈枕上心猶算去程風射破窗燈  
易滅月穿疎屋夢難成故園何啻三千里新鴈纔  
聞一兩聲我自與人無舊分非千人與我無情

### 長安道中有作

回頭不忍看羸童一路行人我最窮馬足蹇於槐  
影裏釣船拋在月明中帽簷曉滴淋蟬露衫袖時  
飄卷鴈風子細尋思底模樣騰騰又過玉關東

### 長安春感

出京無計住京難深入東風

一作轉

索然蒲眼有

花寒食下一家無信楚江邊此時晴景愁於雨是

處鶯聲苦似

一作蟬

公道算來終達去了

一作更

從

今日望明年

### 雋陽道中

客路客路何悠悠蟬聲向背槐花愁爭知百歲不  
百歲未合白頭今白頭四五朶山粧雨色兩三行  
鴈帖雲秋輸他江上垂綸者祇在船中老便休

### 秋日泊浦江

一帆程歇九秋時漠漠蘆花拂浪飛晚浦更無船

並宿暮山時見鳥雙歸照雲烽火驚離抱剪葉風  
霜逼暑衣江月漸明汀露濕靜驅吟魄入玄微

江上初秋寓泊

濛濛煙雨蔽江村江館愁人好斷魂自別家來生  
白髮爲侵星起謁朱門也知柳欲開春眼爭奈萍  
無入土根兄弟無書鴈歸北一聲聲覺苦於猿

秋宿臨江驛

南來北去二三年年去年來兩鬢斑舉世盡從愁  
裏老誰人肯向歿前閒漁舟火影寒歸浦驛路鈴  
聲夜過山身事未成歸未得聽猿鞭馬入長安

秋日湖外書事

十五年來筆硯功，  
祇今猶在苦貧中。  
三秋客路湖光外，  
萬里鄉關楚邑<sub>一作色</sub>東。  
鳥迳杖藜山翳雨，  
猿林欹枕樹搖風。  
朱門處處若相似，  
此命到頭通不通。

將入關安陸遇兵寇

家貧無計早離家，  
離得家來蹇滯多。  
已是數程行雨雪，  
更堪中路阻兵戈。  
幾州戶口看成血，  
一旦天心却許和。  
四面煙塵少無處，  
不知吾土自如何。

塞上



旌旗獵獵漢將軍  
閒出巡邊帝命新  
沙塞旋收饒  
帳幙大戎時殺少  
煙塵永河夜渡偷  
來馬雪嶺晴  
分獵去人獨作書  
生疑不穩  
軟弓輕箭也隨身

下第東歸道中作

一回落第一  
寧親多是途中過  
却春心火不銷  
雙鬢雪眼前難濯  
滿衣塵苦吟風月  
唯添病遍識公  
卿未免貧  
馬壯金多有官者  
榮歸却笑讀書人

下第東歸將及故園有作

平生操立有天知  
何事謀身與志違  
上國獻詩還  
不遇故園經亂又  
空歸山城欲暮人  
煙歛江月初

寒釣艇稀且把風寒作閒事  
頗能和淚拜庭闈

自江西歸九華補

他鄉終日憶吾鄉  
及到吾鄉值亂荒  
雲外好山看不見  
馬頭岐路去何忙  
無衣織女桑猶小  
闕食農夫麥未黃  
許大乾坤吟未了  
揮鞭回首出陵陽

冬末同友人泛瀟湘

殘臘泛舟何處好  
最多吟興是瀟湘  
就船買得魚偏美  
踏雪沽來酒倍香  
猿到夜深啼嶽麓  
鴈知春近別衡陽  
與君剽採江山景  
裁取新詩入帝鄉

登城有作

上得孤城向晚春眼前何事不傷神  
遍看原上壘纍塚曾是城中汲汲人  
盡謂黃金堪潤屋誰思荒骨旋成塵  
一名一宦平生事不放愁侵易過身

夏日登樓遇雨

忽地晴天作雨天全無暑氣似秋間  
看看水沒來時路漸漸雲藏望處山  
風趁鷺鷥雙出葦浪催漁父盡歸灣  
一心準擬閒登眺却被詩情使不閒

登石壁禪師水閣有作

石壁早聞僧說好今來偏與我相宜  
有山有水堪吟處無雨無風見景時  
漁父晚船分浦釣牧童寒

月言利錄  
笛倚牛吹畫人畫得從他畫六幅應輸八句詩

題汪明府山居

不似當官祇似閒野情終日不離山方知薄宦難  
拘束多與山人作往還牛笛慢吹煙雨裏稻苗平  
入水雲間羨君公退歸欹枕免向他門厚客顏

題汪氏茅亭

茅亭客到多稱奇茅亭之上難題詩出塵景物不  
可狀小手篇章徒爾爲牛畔稻苗新雨後鶴邊松  
韻晚風時君今酷愛人間事爭得安閒老在茲

題廬嶽劉處士草堂

仙境閒尋採藥翁  
草堂留話一宵同  
若看山下雲深處  
直是人間路不通  
泉冷藕花來洞口  
月將松影過溪東  
求名心在閒難遂  
明日馬蹄塵土中

題衡陽隱士山居

閒居不問世如何  
雲起山門日已斜  
放鶴去尋三島客  
任人來看四時花  
松醪臘醞安神酒  
布水宵煎覓句茶  
畢竟金多也頭白  
算來爭得似君家

題仇處士郊居

棄官  
上居

江南景簇此

一作好

林亭手板藍裾自可輕  
洞裏客來無俗話  
郭中人到有山情閒  
拋巖果呼猿接時

來無俗話郭中人到有山情閒  
拋巖果呼猿接時

唐詩集卷之九  
釣溪魚引鶴爭笑我有詩三百首馬蹄終一作目紅  
急於名

戲題王處士書齋

先生高興似樵漁水鳥山猿一處居石逕可行苔  
色厚釣竿時斫竹林疎料春祇愛和醅酒諱老猶  
看夾註書莫道無金空有壽有金無壽欲何如

夏日留題張山人林亭

此中偏稱夏中遊時有風來暑氣收澗底松搖千  
尺雨庭中竹撼一窗秋求猿句寄山深寺乞鶴書  
傳海畔洲閒與先生託身事浮名薄宦總悠悠

夏日登友人書齋林亭

暑天長似秋天冷帶郭林亭盡不如蟬噪檻前遮  
日竹鷺窺池面弄萍魚拋山野客橫琴醉種藥家  
僮踏雪鋤衆惜君才堪上第莫因居此與名疎

題開元寺門閣

一登高閣眺清秋滿目風光盡勝遊何處畫燒尋  
綠水幾家鳴笛咽紅樓雲山已老應常在歲月如  
波秣暗流唯有禪居離塵俗了無榮辱挂心頭

贈題兜率寺閒上人院

人間寺應諸天號真行僧禪此寺中百歲有涯頭

上雪萬般無染耳邊風挂帆波浪驚心白上馬塵埃翳眼紅畢竟浮生謾勞役算來何事不成空

題德玄上人院

剝得心來忙處閒閒中方寸闊於天浮生自是無空性長壽何曾有百年罷定磬敲松鱗月解眠茶煑石根泉我雖未似師披衲此理同師悟了然

題宗上人院

此院重來事事非半欹茅屋草侵堦啄生鴉憶啼松枿接果猿思嘯石崖壁上塵粘蒲葉扇床前苔爛筍皮鞋分明記得談空日不向秋風更愴懷



題弟姪書堂

何事居窮道不窮  
亂時還與靜時同  
家山雖在下  
戈地弟姪常修禮  
樂風窗竹影搖書案  
上野泉深入硯池中  
少年辛苦終身事  
莫向光陰墮寸功

訪蔡融因題

杖藜時復過荒郊  
來到君家不忍拋  
每見苦心修  
好事未嘗開口怨  
平交一溪寒色漁  
收網半樹斜陽  
鳥傍巢必若天公  
主人事肯教吾子  
委衡茅

維揚春日再遇孫侍郎

不爲榮家不爲身  
讀書誰料轉家貧  
三年行却千

山路兩地思歸一主人  
絡岸柳絲懸細雨繡田花  
朶弄殘春多情御史應嗟見未上一作到青雲白髮新

亂後出山逢高員外

自從亂後別京關  
一入煙蘿十五年  
重出故山生白髮  
却裝新卷謁清賢  
窗回旅夢城頭角  
柳結鄉愁雨後蟬  
名姓暗投心暗祝  
永期收拾向門前

亂後逢李昭象叙別

李生李生何所之家山  
宰雲胡不歸兵戈到處美  
性命禮樂向人生  
是非却與野猿同  
橡塲還將溪

鳥共漁磯也知不是男兒事爭奈時情賤布衣

亂後旅中遇友人

念子爲儒道未亨依依心向十年兄莫因亂世輕  
依託須學前賢隱姓名大國未知何日靜舊山猶  
可入雲耕不如自此同歸去帆挂秋風一信程

亂後逢村叟

經亂衰翁居破村村中何事不傷魂因供寨木無  
桑柘爲著鄉兵絕子孫還似平寧徵賦稅未嘗州  
縣略安存至於雞犬皆星散日落前山獨倚門

山中寡婦

夫因兵死守蓬茅麻苧衣衫鬢髮焦桑柘廢來猶  
納稅田園荒盡尚徵苗時挑野菜種根煮旋斫生  
柴帶葉燒任是深山更深處也應無計避征徭

喜從弟雪中遠至有作

深山大雪懶開門門徑行蹤自爾新無酒禦寒雖  
寡況有書供讀且資身便均情愛同諸弟莫更生  
疎似外人晝短夜長須強學學成貧亦勝他貧

宿東林寺題願公院

古寺沉沉僧未眠  
牆願將客說閒緣  
一溪月色非塵世  
滿洞松聲似雨天  
簷底水涵抄律燭  
窗間風

引煮茶烟無由住得吟相伴心繫青雲十五年

懷廬嶽舊隱

一別三年長在夢夢中時躡石稜層泉聲入野方  
堪聽山色逢秋始好登巖鹿慣隨鋤藥叟溪鷗不  
怕洗苔僧人間有許多般事求要身閒直未能

讀張僕射詩

曾應舉不及  
第投筆領郡

秋吟一軸見心胷萬象搜羅詠欲空才大却嫌天  
上桂世危翻立陣前功廉頗解武文無說謝眺能  
文武不通雙美總輸張太守二南章句六鈞弓

酬張員外見寄

分應天與吟詩老如此兵戈不廢詩生在世間人  
不識死於泉下鬼應知啼花蜀鳥春同苦叫雪巴  
猿晝共饑今日逢君惜分手一枝何校一年遲

依韻次同年張曙先輩見寄之什

天上書名天下傳引來齊列

一作到

玉皇前大仙錄

後頭無雪至藥成來竈絕烟笑躡紫雲金作闕夢  
拋塵世鍊爲船九華山叟驚凡骨同到蓬萊豈偶  
然

和友人寄長林孟明府

爲政爲人漸見心長才聊屈宰長林莫嫌月入無

多俸須喜秋來不廢吟寒雨旋疎叢菊艷晚風時  
動小松陰訟庭閒寂公書少留客看山索酒斟

和友人送弟

君說無家祇弟兄此中言別若爲情干戈鬧日分  
頭去山水寒時信路行月下斷猿空有影雪中孤  
鴈却無聲我今骨肉雖饑凍幸喜團圓過亂兵

和友人見題山居

避時多喜葺居成七字君題萬象清開戶曉雲連  
地白訪人秋月滿山明庭前樹瘦霜來影洞口泉  
噴雨後聲有景供吟且如此算來何必躁於名

友人贈舍弟依韻戲和

吾家此弟有何知多媿君開道業基不覺累頭成  
大漢昨來竹馬作童兒還緣世遇兵戈鬧祇恐身  
修禮樂遲及見和詩詩自好礪門不到一作更何  
時

和舍弟題書堂

兄弟將知大自強亂時同葺讀書堂巖泉過雨多  
還開溪竹唯風少卽涼藉草醉吟花片落傍山閒  
步藥苗香團圓便是家肥事何必盈倉與滿箱